

Dr. Vilhjálmur Órn Vilhjálmsson
Þjóðminjasafni Íslands

Reykjavík, 9. september 1996

Fyrir hönd Fornleifanefndar bakka ég heiðrað bréf þitt, dags. 29. júlí 1996, er varðar fund nefndarinnar 22. júlí s.l.

Ég tek heilshugar undir þá athugasemd þína, að fundinn hefði mátt boða með lengri fyrirvara, t.d. með sólarhrings fyrirvara, eins og þú stingur upp á í bréfi þínu. Ég hygg að segja megi með sanni, að sú hafi verið almenn vinnulagsregla nefndarinnar, sem ég mun að sjálfssögðu leitast við að halda framvegis, en boðun til þessa tiltekna fundar var fremur örðug, og þar af leiðandi dálítið afbrigðileg, sökum sumarleyfa nefndarmanna o.p.h., enda er síðasta vika í júlí einna erfiðasti tími sumarsins til nefndafunda, af alkunnum ástæðum.

Eins og þér er kunnugt um, berast umsóknir um rannsóknarleyfi því miður oft svo skömmu fyrir fyrirhugaðan upphafstíma rannsóknar, að boðunarrestur fundar hlýtur að verða knappur og getur þá einnig reynst erfitt að koma því við, að láta alla nefndarmenn fá aðstöðu til að kynna sér umsókn og framlögð gögn með nægum fyrirvara, og þarf að finna hentuga lausn á því málí, sem allir nefndarmenn geti fellt sig við. Hingað til virðist þetta þó ekki hafa valdið stórum vandkvæðum í reynd. Væri rétt að ræða þetta nánar á næsta fundi nefndarinnar.

Rétt er, að ég taldi þig vanhæfan til að fjalla á nefndum fundi um umsókn um rannsóknarleyfi á Miðhúsum á Fljótsdalshéraði, vegna alkunnra málafærsla, sem tengjast þér og ábúendum á þeim bæ þar austur, er svo nefnist. Í þeirri afstöðu fólst að sjálfssögðu enginn "dómur" um málsefnið sjálft, heldur byggðist afstaða míin einvörðungu á almennum grunnreglum um vanhæfi stjórnvalda til meðferðar einstakra mála. Sökum ónógrar staðkunnáttu minnar á Austurlandi hef ég þá ekki áttað mig á því, að leyfisumsóknin mun ekki hafa beinst að rannsóknum á þeim bæ, sem málaferlin

tengjast, heldur öðrum, samnefndum, sem einnig er á Fljótsdalshéraði en í öðru sveitarfélagi. Hér er um mistök míni að ræða, sem ég ábyrgist að öllu leyti einn. Á þeim mistökum biðst ég velvirðingar.

Ekki liggur nú fyrir, hvenær næsti fundur í Fornleifanefnd verður boðaður, enda liggja engin formleg erindi fyrir þegar þetta er ritað. Vel mætti þó halda fund, þar sem rædd verði einhver almenn málefni nefndarinnar, þótt eigi verði þar fjallað um umsókn eða umsóknir um rannsóknarleyfi. Þar mætti t.d. ræða ýmislegt, er varðar ritun fundargerða og aðgengi að þeim og varðveislu gagna nefndarinnar, m.a. með vísun til nýrra laga um upplýsingarskyldu stjórnvalda.

Virðingarfyllst



Páll Sigurðsson

formaður Fornleifanefndar

Afrit sent Menntamálaráðuneyti